

ხელშეკრულება
სახელმწიფო შესყიდვის შესახებ №GF-T/ET/S-905

ქ. თბილისი

26 ოქტომბერი 2021 წელი

1. ხელშეკრულების დამდები მხარეები

1.1. ერთი მხრივ, სსიპ „ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრი“ - ს/კ №211324351 (შემდგომში „შემსყიდველი“), ცენტრის გენერალური დირექტორის მოადგილის/პროგრამების დირექტორის ირმა ხონელიძის სახით, და მეორე მხრივ, შპს „საოჯახო მედიცინის ეროვნული სასწავლო ცენტრი“ - ს/კ №202905945, მისი გენერალური დირექტორის ირინე ქაროსანიძის სახით, ორივე ერთად წოდებული, როგორც „მხარეები“, ვდებთ წინამდებარე ხელშეკრულებას შემდეგზე:

2. ხელშეკრულების საგანი

2.1. შემსყიდველმა გამარტივებული ელექტრონული ტენდერის საშუალებით (NAT210019206) განახორციელა - „აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის“ (The Global Fund to Fight AIDS, Tuberculosis and Malaria) (შემდგომში „GFATM“) მიერ დაფინანსებული „ტუბერკულოზის ყველა ფორმის ხარისხიან დიაგნოსტიკასა და მკურნალობაზე საყოველთაო ხელმისაწვდომობის მდგრადობის უზრუნველყოფა“ საგრანტო პროგრამის ფარგლებში (გრანტი GEO-T-NCDC/კომპონენტი C19RM2021) კორონავირუსის (COVID-19) შემთხვევების პირველად ჯანდაცვაში მართვის ხელშეწყობის მომსახურების (CPV80561000 - პროფესიული მომზადება ჯანმრთელობის დაცვის სფეროში) შესყიდვა, რაზედაც მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება სატენდერო პირობების შესაბამისად.

3. ხელშეკრულების ღირებულება და მომსახურების ვადები

3.1. ხელშეკრულების ღირებულება შეადგენს 139,240.00 (ასოცდაცხრამეტი ათას ორას ორმოცი ლარი და 00 თეთრი) ლარს (შემდგომში „ხელშეკრულების ფასი“), რომელიც მოიცავს მოქმედი კანონმდებლობით დადგენილ გადასახადებს, მათ შორის დამატებული ღირებულების გადასახადს.

3.2. მომსახურების ღირებულება მოცემულია დანართი №1-ში (მომსახურების ფასების ცხრილი და განხორციელების საორიენტაციო გეგმა-გრაფიკი), რომელიც წარმოადგენს ხელშეკრულების განუყოფელ ნაწილს.

3.3. წინამდებარე ხელშეკრულებით გათვალისწინებული მომსახურების განხორციელების ვადაა ხელშეკრულების გაფორმებიდან 2021 წლის 31 დეკემბრის ჩათვლით, რომელიც განხორციელდება ხელშეკრულების დანართ №1-ით (მომსახურების ფასების ცხრილი და განხორციელების საორიენტაციო გეგმა-გრაფიკი) და დანართი №2-ით (ტექნიკური განაცხადი) განსაზღვრული ვადებისა და პირობების შესაბამისად.

3.4. ხელშეკრულების დაფინანსების წყაროა აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის (The Global Fund to Fight AIDS, Tuberculosis and Malaria) მიერ გამყოფილი გრანტით დაფინანსებული პროგრამა „ტუბერკულოზის ყველა ფორმის ხარისხიან დიაგნოსტიკასა და მკურნალობაზე საყოველთაო ხელმისაწვდომობის მდგრადობის უზრუნველყოფა“ (გრანტი GEO-T-NCDC/კომპონენტი C19RM2021) (ბიუჯეტის ხაზი: TRC 9).

4. შესყიდვის ობიექტის მიღება-ჩაბარების წესი

4.1. მიღება-ჩაბარების წინ განხორციელდება გაწეული მომსახურების ინსპექტირება, რომელსაც განახორციელებს ხელშეკრულების 5.1. პუნქტით განსაზღვრული უფლებამოსილი პირ(ებ)ი.

4.2. განხორციელებულ მომსახურებაზე ფორმდება მიღება-ჩაბარების აქტი, რომელსაც ხელს აწერენ მხარეთა მიერ სათანადოდ უფლებამოსილი პირები.

4.3. შესყიდვის ობიექტის მიღება-ჩაბარებისათვის მიმწოდებელმა, უნდა წარმოადგინოს ფაქტობრივად გაწეული მომსახურების წერილობითი ანგარიში დანართი №1-ით განსაზღვრული ვადების დასრულებიდან არაუგვიანეს 5 (ხუთი) სამუშაო დღის განმავლობაში. წარმოდგენილ წერილობით ანგარიშს თან უნდა ახლდეს დანართი №1-ის შესაბამისად განხორციელებული მომსახურების თითოეული ფაზით განსაზღვრული ღონისძიებ(ებ)ის შესაბამისი დამადასტურებელი დოკუმენტები და ანგარიშ ფაქტურა.

4.4. მიმწოდებელმა უნდა უზრუნველყოს შემსყიდველისათვის 4.3. პუნქტში მითითებული დოკუმენტაციის წარდგენა. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯებისათვის ეკისრება მიმწოდებელს.

5. ხელშეკრულების შესრულების კონტროლი

5.1. ხელშეკრულების შესრულების კონტროლს განხორციელებს აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის მიერ დაფინანსებული პროგრამების მართვის ჯგუფის ტუბერკულოზის პროგრამის კოორდინატორი ნინო ჩიქოვანი, ფინანსების სპეციალისტი მირანდა მამრიკიშვილი, შესყიდვების სპეციალისტი ხათუნა კაპანაძე.

5.2. ინსპექტირება განხორციელდება, მიმწოდებლის მიერ შემსყიდველისათვის წარდგენილი ანგარიშების განხილვის საფუძველზე;

5.3. ინსპექტირების ჯგუფის მიერ მომზადებული დასკვნის საფუძველზე მხარეთა შორის ფორმდება მიღება-ჩაბარების აქტი;

5.4. ინსპექტირების განხორციელებასთან დაკავშირებული ანგარიშის წარდგენა, საორგანიზაციო საკითხების გადაწყვეტა ეკისრება მიმწოდებელს.

6. ანგარიშსწორება და ანგარიშგება

6.1. მიმწოდებელთან ანგარიშსწორება განხორციელდება ეროვნულ ვალუტაში, უნაღდო ანგარიშსწორების ფორმით. მიმწოდებლის მიერ შესრულებული სამუშაოს ანაზღაურება მოხდება დანართი №1-ით და დანართი 2-ით განსაზღვრული ფაზებისა და პირობების შესაბამისად ფაქტიურად გაწეული მომსახურების საფუძველზე, მიღება-ჩაბარების აქტის გაფორმებიდან არაუგვიანეს 20 (ოცი) სამუშაო დღის ვადაში. მეორე (ტრენინგის) ფაზის ანაზღაურება განხორციელდება ფაქტიურად ჩატარებული ტრენინგ-სესიებისა და გადამზადებული პერსონალის რაოდენობის შესაბამისად.

6.2. ანგარიშსწორების საფუძველს წარმოადგენს მიმწოდებლის მიერ ფაქტიურად გაწეულ მომსახურების წარმოდგენილი წერილობით ანგარიში, მის საფუძველზე გაფორმებული მიღება-ჩაბარების აქტი და ანგარიშ ფაქტურა.

6.3. ფაქტიურად განხორციელებული მომსახურების შესახებ წარმოდგენილი ანგარიშები უნდა მოიცავდეს:

ა) I ფაზის ანგარიში უნდა მოიცავდეს შესრულებული სამუშაოს შესახებ ინფორმაციას ჩამოთვლილი ღონისძიებების შესაბამისად და სასწავლო მასალას.

ბ) II ფაზის ანგარიში უნდა მოიცავდეს შესრულებული სამუშაოს შესახებ ინფორმაციას ფაზით გათვალისწინებული ღონისძიებების შესაბამისად. შემსყიდველთან წარმოდგენილი უნდა იყოს ტრენინგზე დამსწრეთა სია, დადასტურებული ხელმოწერებითა და ფოტოსურათებით, ვებ გვერდის მისამართი, რომელზეც განთავსებულია სასწავლო მასალა.

7. მხარეთა უფლება-მოვალეობანი

7.1. შემსყიდველი უფლებამოსილია შეწყვიტოს ხელშეკრულება მომსახურების ხარისხის და/ან მიწოდების პირობების გაუარესების გამო, აგრეთვე მე-8 მუხლით გათვალისწინებულ შემთხვევაში;

7.2. მიმწოდებელი უფლებამოსილია მოთხოვოს შემსყიდველს გაწეული მომსახურების ღირებულების დროული გადარიცხვა მის საბანკო ანგარიშზე;

7.3. შემსყიდველი ვალდებულია უზრუნველყოს:

ა) გაწეული მომსახურების ღირებულების დროული გადარიცხვა მიმწოდებლის საბანკო ანგარიშზე.

ბ) მიმწოდებლის დროული ინფორმირება გლობალური ფონდის პროგრამის ფარგლებში განსახორციელებელი ცვლილებების თაობაზე. ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა აღნიშნული ცვლილებების განხორციელების აუცილებლობა.

7.4. მიმწოდებელი ვალდებულია უზრუნველყოს:

ა) განახორციელოს პროგრამით გათვალისწინებული ღონისძიებები ხარისხიანად თანდართული დანართ №1-ით (მომსახურების ფასების ცხრილი და განხორციელების გეგმა-გრაფიკი) და დანართი №2-ით (ტექნიკური განაცხადის) განსაზღვრული ვადებისა და პირობების შესაბამისად;

ბ) საქართველოს კანონმდებლობით დადგენილი გადასახადების გადახდა და არ მოთხოვოს შემსყიდველს სხვა არავითარი გადასახადის ან დამატებითი თანხის გადახდა

გ) მიიღოს ზომები, რათა არ დაუშვას ხელშეკრულების საფუძველზე მიღებული თანხების, ან აქტივების გამოყენება მალადობის და/ან ტერორიზმის მიზნებისთვის ან ფულის გათეთრების საქმიანობების მხარდასაჭერად, და/ან იმ ორგანიზაციების მხარდასაჭერად, რომლებიც მხილებულნი არიან ტერორიზმის ან ფულის გათეთრების საქმიანობაში.

დ) მიმწოდებელი ვალდებულია გაეცნოს და დაეთანხმოს გლობალური ფონდის (GFATM) „მიმწოდებელთა ქცევის ნორმების სახელმძღვანელოს“ (<https://www.theglobalfund.org/media/3275/corporate-codeofconductforsuppliers-policy-en.pdf>). ასევე, იმოქმედოს აღნიშნული პირობების შესაბამისად.

8. პირგასამტეხლო

8.1. მომსახურების გაწევისთვის განსაზღვრული ვადების დარღვევის შემთხვევაში, მიმწოდებელი ყოველ ვადაგადაცილებულ კალენდარულ დღეზე გაანგარიშებით იხდის პირგასამტეხლოს მთლიანი სახელშეკრულებო ღირებულების 0.1%-ის ოდენობით.

8.2. ხელშეკრულების მე-6.1 პუნქტით განსაზღვრული ვადების დარღვევის შემთხვევაში შემსყიდველს ეკისრება პირგასამტეხლო ყოველ ვადაგადაცილებულ დღეზე გაანგარიშებით გადასახდელი თანხის 0.1%-ის ოდენობით.

8.3. საჯარიმო თანხის ხელშეკრულების ღირებულების 1%-ს ოდენობით დაფიქსირების შემთხვევაში, მხარეებს უფლება აქვთ შეწყვიტონ ხელშეკრულება.

8.4. საჯარიმო სანქციების გადახდა არ ათავისუფლებს მხარეს ძირითადი ვალდებულებების შესრულებისაგან.

8.5. იმ შემთხვევაში, თუ მხარე ვერ უზრუნველყოფს ხელშეკრულებით ნაკისრი ვალდებულების სრულად შესრულებას ან/და შესრულებელი ვალდებულების ჯამური პირგასამტეხლო დაფიქსირდება 8.3. პუნქტში მითითებული განაკვეთის ოდენობით მხარეს დაეკისრება პირგასამტეხლო ხელშეკრულების ღირებულების 3%-ის ოდენობით.

8.6. მიმწოდებელი ვალდებულია ამ მუხლით გათვალისწინებულ შემთხვევაში დაკისრებული პირგასამტეხლო გადაიხადოს წერილობითი შეტყობინების მიღებიდან 30 (ოცდაათი) დღის განმავლობაში.

9. ხელშეკრულების პირობების გადასინჯვა და ფასები

9.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

9.2. თუ რაიმე წინასწარ გათვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.

9.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.4. ხელშეკრულების პირობების ნებისმიერი ცვლილება ან/და დამატება უნდა გაფორმდეს წერილობით, ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ფორს-მაჟორული გარემოებები

10.1. ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ (ნაწილობრივ) შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წარმოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ ხელშეკრულების დადების მომენტში არ შეეძლოთ სცოდნოდათ.

10.2. გადაულახავ ძალად ჩაითვლება შემდეგი (და არა მხოლოდ):

ა) სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);

ბ) გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა;

გ) ეპიდემიები;

დ) ბლოკადა ან ნებისმიერი ეკონომიკური ემბარგო;

ე) ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება და ისეთი ნორმატიული აქტის გამოცემა, რომელიც ზემოქმედებს მხარეების მიერ ხელშეკრულებით ნაკისრი ვალდებულებების შესრულებაზე და ცვლის, წყვეტს ან აჩერებს ხელშეკრულების დებულებებსა და პირობებს.

10.3. ფორს-მაჟორული მოვლენა დადასტურებული უნდა იქნეს კომპეტენტური ორგანოს მიერ.

10.4. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა).

10.5. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.

10.6. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.

10.7. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.

10.8. მხარე არ თავისუფლდება პასუხისმგებლობიდან, თუ კი ფორს-მაჟორული მოვლენის დადგომა გამოწვეულია მისი ბრალით, ან ნაკისრ ვალდებულებათა შესრულება შესაძლებელი იყო ასეთ გარემოებათა დადგომამდე გონივრულ ვადებში.

11. დავები და მათი გადაწყვეტის წესი

11.1 “მხარეთა” შორის წამოჭრილი დავა შესაძლებელია გადაწყვეტილ იქნეს ერთობლივი მოლაპარაკების საფუძველზე.

11.2. შემსყიდველმა და მომწოდებელმა ყველა ღონე უნდა იხმაროს, რათა პირდაპირი შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ორგვლივ.

11.3 თუ “მხარეები” ვერ შეძლებენ მოლაპარაკების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს საქართველოს შესაბამის სასამართლოს კანონმდებლობით დადგენილი წესით.

12. ხელშეკრულების შეწყვეტა

12.1. ხელშეკრულება შეიძლება შეწყდეს ხელშეკრულების ვადის გასვლით, ხელშეკრულების პირობების შესრულებით ან მხარეთა შეთანხმებით.

12.2. მხარეთა შეთანხმებით ხელშეკრულების შეწყვეტის შემთხვევაში ინიციატორი მხარე ვალდებულია მეორე მხარეს წერილობით 15 (თხუთმეტი) კალენდარული დღით ადრე აცნობოს აღნიშნულის თაობაზე. ხელშეკრულების შეწყვეტას უნდა გააჩნდეს ობიექტური დასაბუთება.

12.3. წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.

12.4. ხელშეკრულება შეიძლება შეწყდეს ასევე, ამ ხელშეკრულებით გათვალისწინებულ ცალკეულ შემთხვევებში.

13. სხვა პირობები

13.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

13.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.

13.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

13.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა. შ. თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.

13.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

13.6. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

13.7. ხელშეკრულება გაფორმებულია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად.

13.8. ხელშეკრულების მოქმედების ვადა განისაზღვრება 2022 წლის 28 თებერვლის ჩათვლით.

14. მხარეთა რეკვიზიტები:

„შემსყიდველი“

სსიპ - ლ. საყვარელიძის სახელობის დაავადებათა
კონტროლისა და საზოგადოებრივი ჯანმრთელობის
ეროვნული ცენტრი

იურიდიული/ფაქტიური მისამართი:

ქ. თბილისი, 0198. კახეთის გზატკეცილი, №99

ს/კ №211324351

სახელმწიფო ხაზინა

ბ/კ №TRESGE22

ა/ა №GE 24 NB 0330 1002 0016 5022

ირმა ხონელიძე

გენერალური დირექტორის მოადგილე/პროგრამების
დირექტორი

„მომწოდებელი“

შპს „საოჯახო მედიცინის ეროვნული სასწავლო
ცენტრი“

იურიდიული/ფაქტიური მისამართი:

ქ.თბილისი, ივ.ჯავახიშვილის №43,

ს/კ 202905945

ელ. ფოსტა: nfmtc@nilc.org.ge

ტელ: +995(32)2959866;

სს „თბილისი ბანკი“

ბ/კ TBCBGE22

ა/ა № GE53TB0887336080100001

ირინე ქაროსანიძე

გენერალური დირექტორი

მომსახურების ფასების ცხრილი და განხორციელების სავარაუდო ვადები

დანართი №1

მომსახურების განხორციელების ფაზები	ღონისძიებები	ღირებულება ლარში	სავარაუდო ვადები
ფაზა 1	<ul style="list-style-type: none"> ◦ ელექტრონული სასწავლო მასალების შემუშავება ◦ ტრენინგის პროცესის გეგმა-გრაფიკის შედგენა, გადასამზადებელი პერსონალის იდენტიფიცირება; ◦ დისტანციური ტრენინგების განხორციელებისთვის ელ. ტექნიკური შესაძლებლობების უზრუნველყოფა: პლატფორმის შერჩევა, კავშირების აგება შერჩეული დაწესებულებების პერსონალის ტრენინგში ჩართვის უზრუნველყოფისთვის; 	45 800ლ	ხელშეკრულების გაფორმებიდან 10 დღე
ფაზა 2	<p>შერჩეული პირველადი ჯადაცვის დაწესებულებების ლიდერი ექიმების 1 დღიანი დასწრებული ტრენინგი.</p> <p>გადასამზადებელი პერსონალის რაოდენობა 300.</p> <p>გადასამზადებელი პერსონალის ონლაინ ტრენინგის განხორციელება.</p> <p>ტრენინგი უნდა განხორციელდეს ტრენინგ - სესიებად.</p> <p>ერთი სესიის ხანგრძლივობა 3 საათი.</p> <p>გადასამზადებელი ექიმების რაოდენობაა 2200 ექიმი.</p> <p>სესიების მაქსიმალური რაოდენობა 88.</p>	<p>1 პირის დასწრებული ტრენინგის ღირებულება - 50.0</p> <p>ჯამური ღირებულება - 15 000ლ</p> <p>1 ტრენინგ-სესიის განფასება 650 ლ</p> <p>ჯამური ღირებულება - 57 200 ლ</p>	1,5 თვე
სულ ჯამური ღირებულება დღგ-ს გარეშე:		118 000 .00	
დღგ		21240.00	
სულ ჯამური ღირებულება დღგ-ს ჩათვლით;		139,240.00	

შენიშვნა:

- ერთეულის ფასი მოიცავს მომსახურების მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს, გარდა დამატებული ღირებულების გადასახადისა. სხვა ხარჯები, რომლებიც ღირებულებაში არ იქნება გათვალისწინებული, არ დაექვემდებარება ანაზღაურებას;
- ხელშეკრულების დადების მომენტისთვის, შემსყიდველი ორგანიზაცია ხელშეკრულების ღირებულებაში გაითვალისწინებს შესაბამისი დღგ-ის ოდენობას, მოქმედი კანონმდებლობის შესაბამისად;
- განფასება განხორციელდა ფაზების მიხედვით. ამასთან, ფაზა 2 განფასდა ღონისძიებების მიხედვით.
- შეხვედრებისა და ტრენინგის ჩატარებისას დაცული უნდა იყოს „იზოლაციისა და კარანტინის წესების დამტკიცების შესახებ“ საქართველოს მთავრობის 2020 წლის 23 მაისის



საოჯახო მედიცინის ეროვნული სასწავლო ცენტრი

კორონავირუსის (COVID-19) შემთხვევების პირველად ჯანდაცვაში მართვის ხელშეწყობა

ტექნიკური განაცხადი

ოქტომბერი, 2021

ტექნიკური დავალება

პროექტის მიზანი:

კორონავირუსის (COVID-19) შემთხვევების პირველად ჯანდაცვაში მართვის ხელშეწყობა

პროექტის ამოცანა:

საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს მიერ განსაზღვრული, პირველადი ჯანდაცვის დაწესებულებებში დასაქმებული სამედიცინო პერსონალის ტრენინგი, COVID19 შემთხვევების დისტანციური მართვის ორგანიზებასა და წარმართვაში.

განსახორციელებელი აქტივობები:

1. სასწავლო მასალის მომზადება, რომელმაც უნდა უზრუნველყოს შემდეგი სასწავლო მიზნების მიღწევა:
 - a) შერჩეულ დაწესებულებებში პაციენტთა ზარების მიღების ადმინისტრირება, პერსონალზე გადანაწილებისა და პაციენტთან უკუკავშირის სისტემის აწყობა/არსებულის გაუმჯობესება;
 - b) საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს მიერ აღნიშნული საქმიანობის მარეგულირებელი დოკუმენტებით განსაზღვრული მოთხოვნების გაცნობა და პრაქტიკაში დანერგვის ხელშეწყობა;
 - c) COVID19 კორონავირუსის შემთხვევების სატელეფონო კონსულტაცია, ტრიაჟი და ბინაზე მართვა სამინისტროს მიერ დამტკიცებული პროტოკოლის შესაბამისად;
 - d) COVID19 შემთხვევების დისტანციური მართვის კოორდინირება და ხარისხის უზრუნველყოფა.
2. ტრენინგის ორგანიზება და წარმართვა
3. შერჩეულ დაწესებულებებში COVID19 შემთხვევების დისტანციური მართვის ძირითადი პერსონალის (ლიდერების) იდენტიფიცირება, მათი დასწრებული ტრენინგი შემთხვევების მართვის კოორდინირებასა და ხარისხის უზრუნველყოფის საკითხებში - გადასამზადებელი პერსონალის რაოდენობა 300 (1 დღიანი ტრენინგის ჩატარება უნდა განხორციელდეს კოვიდ რეგულაციების დაცვით, ჯგუფის შემადგენლობა - არაუმეტეს 20 კაცისა).
4. პირველადი ჯანდაცვის დაწესებულებებში დასაქმებული ექიმების იდენტიფიცირება, დისტანციური ტრენინგი - თითოეული ტრენინგ-სესიის ხანგრძლივობა უნდა იყოს არანაკლებ 3 საათი, გადასამზადებელი პერსონალის რაოდენობა - 2200 ექიმი (მათ შორის სოფლის ექიმები), სულ ტრენინგ- სესიების რაოდენობა - არაუმეტეს 88.
5. ელექტრონული სასწავლო მასალის გავრცელება პჯდ ქსელში, ასევე პჯდ პერსონალისთვის ხელმისაწვდომ ვებ გვერდზე განთავსება.

პროექტის სამიზნე პოპულაცია:

1. საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს მიერ განსაზღვრული პირველადი ჯანდაცვის დაწესებულებებში დასაქმებული 2200 ექიმი, მათ შორის, სოფლის ექიმები.

2. შერჩეულ დაწესებულებებში ძირითადი პერსონალის (ლიდერების) ტრენინგი - 1-2 მსმენელი თითოეული დაწესებულებიდან, სულ 300 მსმენელი.

პროექტის განხორციელების ფაზები:

I ფაზა: ხანგრძლივობა 10 დღე

- ელექტრონული სასწავლო მასალების შემუშავება ტრენინგი უნდა მოიცავდეს შემდეგ თემებს:
 - ახალი კორონავირუსის შემთხვევების ბინაზე მართვის მარეგულირებელი დოკუმენტების მიმოხილვა
 - ახალი კორონავირუსის შემთხვევების ბინაზე მართვის ორგანიზება (პერსონალის ფუნქციის განსაზღვრა, სატელეფონო და ონლაინ კავშირის უზრუნველყოფა, ტრიაჟი, რეფერალი)
 - ახალი კორონავირუსის შემთხვევების კლინიკური მართვა პჯდ დონეზე - სამინისტროს მიერ განსაზღვრული ფუნქციებისა და კომპეტენციების შესაბამისად;
 - ახალი კორონავირუსის შემთხვევების ბინაზე მართვის ხარისხის უზრუნველყოფა;
 - სასწავლო მასალა თითოეულ დაწესებულებაში შერჩეული ლიდერებისთვის
- ტრენინგის პროცესის გეგმა-გრაფიკის შედგენა, ტრენინგების განსაზღვრა, გადასამზადებელი პერსონალის იდენტიფიცირება (დაწესებულებათა ზუსტი ჩამონათვალი და სამედიცინო პერსონალის ნუსხა მოწოდებული იქნება სამინისტროს მიერ);
- დისტანციური ტრენინგების განხორციელებისთვის ელ. ტექნიკური შესაძლებლობების უზრუნველყოფა: პლატფორმის შერჩევა, კავშირების აგება შერჩეული დაწესებულებების პერსონალის ტრენინგში ჩართვის უზრუნველყოფისთვის.

ყოველი ფაზის ბოლოს განხორციელდება ანგარიშგება:

I ფაზა (ხანგრძლივობა ხელშეკრულების გაფორმებიდან 10 დღე):

წარმოდგენილი ანგარიში უნდა მოიცავდეს შესრულებული სამუშაოს შესახებ ინფორმაციას ჩამოთვლილი ღონისძიებების შესაბამისად და სასწავლო მასალას.

II ფაზა (ხანგრძლივობა 1,5 თვე)

წარმოდგენილი ანგარიში უნდა მოიცავდეს შესრულებული სამუშაოს შესახებ ინფორმაციას ჩამოთვლილი ღონისძიებების შესაბამისად. შემსყიდველთან წარმოდგენილი უნდა იყოს ტრენინგზე დამსწრეთა სია, დადასტურებული ხელმოწერებითა და ფოტოსურათებით, ვებ გვერდის მისამართი, რომელზეც განთავსებულია სასწავლო მასალა.